

237
Coppie des Me-

moires secrets en forme
de Missiue, enuoyees de Bloys par vn
Polytique mal-asséuré à vn sien amy
aussi Polytique, de ceste ville de Paris.

*Auec la responce laquelle a esté descouuerte sur
vn Lacquais sortant de ceste ville, lequel a
donné l'adresse dudict Polytique, au
logis duquel lesdicts Memoires
ont esté trouuez.*

Comme sommairement & au vray l'Estat auquel
presentement sont les affaires du Roy, &
de l'vnyon Catholique & Generale
de France




NN 4

9 19
M. D. LXXXIX.

Case
F
39
1326
1589c

THE NEWBERRY
LIBRARY



COPPIE DES MEMOIRES

SECRETS, EN FORME DE MISSIVE, EN-
 enuoyez de Blois par vn Polytique mal-assuré à vn sien amy
 aussi Polytique de ceste ville de Paris.

Auec la responce laquelle a esté descouuerte sur vn Lâquais for-
 rant de ceste ville, lequel a donné l'adresse dudit Polytique
 au logis duquel lesdicts Memoires
 ont esté trouuez.

Contenant sommairement & au vray l'estat auquel presente mē-
 sont les affaires du Roy & de l'vnion Catholique & geneealle
 de France.



Onsieur, ie ne vous veux point
 remettre au deuant les bons for-
 demens & pilotis sur lesquels no-
 stre reciproque & mutuelle ami-
 tié est de long temps bastie: car
 par la mention que i'en ferois,
 il sembleroit aussi que ie fisse
 quelque doute d'icelle: Mais ie

vous veux cōiurer par là, de me fauoriser de tant que
 de me vouloir par la premiere assuree commodité
 certiorer de l'estat des affaires de par delà: comment
 elles sont disposees, comment aigries, comment adou-
 cies, Brief quelle opinion vous en auez: En vous sup-
 pliant aussi de me donner sur le tout vostre bon aduis:
 afin que suyuant iceluy ie me resoluë ou à bis ou à
 blanc, à suyure l'vn ou l'autre party le plus assuré &
 fauorable. Et pour ne vous laisser matiere ny occasiō

7
de m'esconduire en vne si iuste priere, Je me suis le premier mis en mon deuoir de vous représenter au vray le cours des affaires de pardeçà: afin que ensemblemēt s'il vous plaist nous puissions nous resoudre en quelque sorte pour cōseruer, & nos vies, & nos moyens & si peu de cōmoditez que Dieu nous a dispersez en ce miserable siecle: auquel ie voyois les choses si embarrasseez que d'oresnauant ie m'y mescognois totalement.

II.

Je commenceray donques par nostre siege d'Orleāns: duquel nous auons receu nouuelles que les cōpagnies des Sieurs de Montigny & de Fargy y ont esté deffaites par les assiegez: & les mulets de bagage de Monsieur le grād Prieur prins & emmenez dedans la ville. Le fils de Monsieur le Marechal de Matignon, & lesdicts Sieurs de Montigny & de Fargys, avec quelques autres Gentilshommes se sont sauezz à la fuite. Je crains fort que ceste desroute sera cause que nostredit siege descamera bien tost, si desia il n'est leué: attēdu que ja au parauant l'on nous auoit asseuré que les forces du Roy s'y fondoyēt & diminuoyent tous les iours à veue d'œil: mesment que si ceux de dedans se fussent ententendus qu'ils pouuoient d'vn seul effort, tailler tous les nostres en pieces: mais qu'ils n'osoient librement faire, sortie en gros: parce qu'ils n'estoient pas asseurez du retour & de la rentree, pour la messiance grande qui estoit parmy eux, laquelle targuoit d'auantage les essiegeans que leurs propres forces. Nous scauons bien que le Roy a des bons seruiteurs dedans la ville: mais ils sont en beaucoup plus petit nombre que ses ennemis.

III.

Pour l'esgard de Rouen le Roy receut ces iours pas-

sez lettres de Monsieur de Carrouge, par lesquelles il mandoit que ceux du Haure auoiēt menacé Messieurs de Rouen de ne plus leur laisser passer aucunes commoditez ny de viures ny autrement: & de leur faire rous les desplaisirs dont ils se pourroient aduifer, s'ils n'embrassoient le party de l'vniō & de la religion Catholique. Ce qu'entendu par ceux de Rouen, avec l'inclinatiō qu'ils y auoient desia, ils protesterent en deux assemblees generales qu'ils feirent entr'eux, de ne receuoir ny admettre dedans leur ville garnisons ny forces aucunes de la part du Roy: disans que la derniere fois que il y fut, il leur apporta tant d'incommodité & au plar pais (sans parler de leurs femmes) qu'ils s'en resentoient encores Occasion, disoient-ils, qu'ils ne pouuoient maintenant que le souhater aussi loing d'eux que possible il en voudroit estre pres: & mesmement ils firent assauoir à mondit Sieur de Carouge qu'au cas qu'il fist semblāt d'entreprendre quelque chose contre eux & leur resolutiō, qu'il ne s'y trouueroit pas le plus fort. Cela donna occasion audict Sieur de Carouge (comme il y en auoit assez de matiere) de despecher soudain vn courier au Roy pour, sur l'aduertissement de cecy luy demander secours. Ce que le Roy luy accorda & luy enuoya soudain quelques Suisses: mais si tost que ceux de Rouen en furent aduertis, quant & quant ils manderent ausdicts Suisses, que s'ils se vouloient approcher d'auantage qu'ils fissent leurs testaments de bonne heure. Ce contremandement receu par les Suisses (qui estoiet desia a deux lieuex de Rouē) eust tant de force sur eux qu'ils ne voulurent iamais passer outre, pour quelque instance & commandemēt qu'on leur eu peust faire.

IIII.

A iij

Or depuis cela, Monsieur de Carouge à tousiours esté veillé de si pres, que ie n'estime pas qu'il puisse ny d'orenauant remuer quelques chose. Et ce qui luy est & sera le plus contraire, c'est l'appuy & le secours que son propre fils donne aux habitans dudit Rouen, lequel s'est bādē contre son Pere pour embrasser la cause & le party desdits habitans, violant par là toutes les Loix & de raison & de nature.

IIII.

Quant à ceux de Troye, vous sçauiez comment depuis la mort de Monsieur de Guyse, ils se sont declarez ouuertement contre le Roy, pour le party des Catholiques: Ce qu'il n'auoient pas faict du viuant dudit Sieur de Guyse. Enquoy le Roy a esté bien deceu de son expectation: car il en faisoit assésuré estar.

V.

Monsieur de Tinteuille depuis n'agueres auoit enuoyé audit Troye Monsieur de Villemorien pour tascher de les reconuertir au seruice du Roy: Mais si tost qu'ils eurent descouuert ses menees, ils le poursuirent si viuemēt, que sans vn soudain pre- aduertissement qu'il eust par l'un de ses gens (lequel en passant, fortuitement en auoit ouy quelque bruiēt) indubitablement il y eust perdu la vie.

VI.

Auant-hier, ou le iour precedent, vn marchand d'icy receut lettres dudit Troye, par lesquelles on luy mandoit d'un certain officier du Roy, lequel pour auoir parlé vn peu trop ouuertement des troubles de ce temps à l'aduentage du Roy, auoit esté massacré par la commune: Mais de cela nous n'en deuons certitude que par lesdictes lettres: ausquelles ie ne donne point de foy. Il est bien vray qu'un artisan y fust tué tout au

commencement de ce remuement, pour auoir seulement dit, oyant la mort de Monsieur de Guyse, qu'il estoit mortel comme vn autre.

VII.

Quant à ceux de Poitiers le Roy a fort tasché de les gaigner par promesses & belles offres: Mais on n'en a sceu tirer autre raison ny responce, sinon que ils portent tant de respect à la memoire de deffunct Monsieur de Guyse, duquel ils tiennent la conseruation de leurs biens, la protection de leurs vies, & la manutention de leur ville, qu'ils ne se rengeront iamais au seruice de celuy qui la opprimé.

VIII.

Ceux de Dijon n'ont pas mieux fait que les autres: car aussi tost qu'ils sceurent la mort de Monsieur de Guyse, ils constituerent prisonniers quelques officiers du Roy, & mirent garnisons aux logis d'aucuns Conseillers de leur Parlement.

IX.

Ceux d'Angers sont de mesme farine & aussi peu zelez au seruice du Roy que les autres: car ils ont tant faict que ils se voyent auionrd'huy les plus fors. Et combien que l'une & l'autre ville se soit assez declaree, toutefois le Roy n'est pas encores hors d'esperance de les ramener toutes deux à la deuotion. Et à cest effect il y a secrettement enuoyé quelques personnages entendus & factieux (que vous cognoissez) pour y pratiquer des hommes & y negotier ce qu'ils pourront.

X.

Pour l'esgard de la Picardie, excepté Saint Quentin & Boulongne, nous l'auons toute perdue, sans esperance de recouurement, si ce n'est à belles forces.

XI.

Les Picards ont prins vn passedroict plus grand que les autres : car ils ont faict Publier par tout le pais, deffences tres-expresses à tous Seigneurs, Gétils-hommes & autres de quelque qualité qu'ils soyent, de monter à cheual, n'y s'armer en quelque façon que ce soit pour le seruice du Roy : ains seulement pour l'vnion generale des Catholiques de la France. Et au cas que quelqu'un ou plusieurs vueillent cōtreuenir, & de faict qu'il contreuenient à telles deffences, ils ont permis aux cōmunes & à toutes personnes de se ruer sur eux, avec pouuoir & liberté de les assommer : & de là d'aller ruiner abbatre & foudroyer leurs maisons, ou chasteaux, ce qu'ils ont tous protesté & iuré de faire & garder inuiolablement iusques à la mort.

XII.

Mais si vous voyez ainsi, le Roy grandement affligé par dehors : croyez qu'il ne l'est guere moins chez luy, tesmoing mesme que plusieurs de ses gardes se desbandent, & s'en vont trouuer les vns Monsieur du Maine, les autres le Cheualier d'Aumalle, & les autres s'en retournent à Paris.

XIII.

Et puis au plus fort de ses affaires, comment pensez vous que la mort de la Roynes la mere luy est venue mal à propos? Certes i'estime qu'il ne se peut assez exprimer. Aussi depuis icelle mort ie le trouue fort changé & tousiours fort mesfiant, voire de la moitié plus qu'il n'estoit au parauant : car il ne s'assure quasi plus de personne, ce qui nous est vn grandissime malheur, voire le vray moyē par lequel ses affaires & les nostres receuront beaucoup de diminution & de retardemēt, & possible en fin vne ruine certaine & inueniable.

XIIII.

Mais encor n'y a il chose iusques icy qui ait rendu le Roy si pensif & estonné que la declaration de la Sorbonne, touchant la dispence qu'elle dit & assure que ses subiects ont de l'obeissance que ils luy deuoiennent, & de la fidelité qu'ils luy auoient iurée: A laquelle declaration, pensant apporter quelque antidote, & la rendre par là infructueuse, il assembla quelque nombre d'Euesques & d'autres Ecclesiastiques, pour leur faire declarer ladite Declaration & resolution nulle, & de nul effect, & du tout incompetente: Mais ils rapporterent tous au Roy qu'il les prioit d'une chose du tout impossible à eux, d'autant que la Sorbonne n'auoit rien decreté que suyuant & conformément aux Saints Concils & Decrets, lesquels personns ne scauroit contredire.

XV.

Or voila l'estat d'une partie des affaires de pardeça, lesquels ie vous ay représenté sans flatterie & tels qu'ils sont à mon grand regret, mais la verité, la peur qui m'en reuient, l'obligation dont ie vous suis attenu, & le desir que j'ay que vous en eussiez de mesme en mon esdroit, m'y ont necessairement contrainct.

Quant à l'autre partie elle vous apportera à vn peu plus de contentement.

XVI.

Premierement la Royne d'Angleterre a offert au Roy secours, & de ses moyens, & de son pouuoir, en le priant de continuer ses pointes, & disant qu'en tous cas elle luy promet tousiours de le releuer d'une mauuaise cheute, mais ie n'en fais pas de cela grand bouclier: car j'estime la consolation bien desolee laquelle ne propose qu'un remede au mal.

XVII.

Quant au forces du Roy de Nauarre, nous en formes tres-assurez: car outre qu'il l'auoit desia promis, il enuoya encor ces iours passez vers le Roy Monsieur,

de Roquelaure, tant pour l'asseurer de son service, qu'aussi pour les Trefues que le Roy & luy ont accordees respectiuelement par ensemble.

XVII.

Ledit Sieur de Roquelaure n'estoit pas seulement enuoyé pour ceste asseurance & trefues: mais pour plusieurs autres chefs, lesquels nous ne sçauons encor, ny quels ils sont, ny quelle resolution le Roy luy en a donné, d'autant que le Roy s'y tient le plus couuert qu'il peut: mais il me semble qu'il seroit plus expediét pour luy, qu'il s'apperçeust de ce qu'il negotie avec le Roy, de Nauarre, que de sa ruine & de la nostre: car les dissimulations qu'il y veut apporter (pour passer outre a des choses qui seront de plus mal-aisée digestiō à nos ennemis que lesdites trefues) le rendent plus tardif au bout-hors de ses conceptions, & desseins, & cependant nos affaires s'acculent, & demeurent là. Nos ennemis ne perdent point de tēps, & nous le prodigōs esciemment.

XIX.

L'on parle icy que le Roy veut faire declarer son successeur à la couronne, Monsieur le grand Prieur de France, mais ie ne vous en puis asseurer, sinon que il en grand bruiet: neantmoins ie le croy mal-aisément. Car par ce moyen le Roy necessiteroit ses affaires & son royaume à vne combustion tres-grande, d'autant qu'indubitablement ceste declaration seruiroit d'allumette à la maison de Bourbon, pour faire la guerre au Roy, & ainsi il se creeroit tousiours d'auantage d'ennemis, dont il a desia sans cela, assez copieux nombre.

XX.

Monsieur de Môt-pensie & Monsieur le Prince son filz, sont en chemin pour venir trouuer le Roy, ils sont suivis de beaucoup de Gentils-hommes, lesquels pour la plus part venoient icy, estimās que la mort de Men-

sieur de Guyse eust terminé la guette, mais ils se verront trompez de tout le Ciel.

XXI.

Quant à Niort, ie ne vous en mande rien, parce que vous sçaez comme le tout s'y est passé, & que Monsieur de Malicorne y a laissé entrer les gens du Roy de Nauarre sans coup ferir.

XXII.

Quant à Chaalons-en Champagne, vous sçaez aussi (comme i'estime) qu'il est à la deuotion du Roy, & que Monsieur de Tinteuille est dedans, qui y commande. Toutesfois il est encor à craindre que ceux du dedans ne vueillent venir deux cordes en leur arc (comme l'on dit) & se reseruer tousiours la puissance de se pouuoir régir du costé de l'un ou l'autre party, lequel ils verront avec le temps estre le plus fort.

L'occasion que i'ay de ceste mes fiance, c'est qu'ils ne veulent pas permettre que M^{rs}ieur de Tinteuille s'y rende le plus fort, dont le Roy a bon aduertissement. Occasion qu'il a commandé audit Sieur de Tinteuille par deux despeschés consecutifs, qu'il y mette si bonne garnison qu'il luy en puisse tousiours rendre bon compte. Dieu vueille qu'il le puisse ainsi effectuer car la ville est de grandissime importance pour estre forte & bien munie comme vous sçaez.

XXIII.

Pour le surplus, ledit Sieur de Tinteuille s'y comporte tres-bien. Il fait des courses tout aux enuirs il arreste tous les courriers. Il en a fouillé & rerenu quelque temps deux qui estoient enuoyez de la part de Monsieur le Duc de Lorraine vers Monsieur d'Aumale, & Messieurs de Paris. La substance des despeschés qu'ils portoient, ie ne le scay pas, mais elle est assez aitee à presumer,

Quant Monsieur de Tinteuille se fera acquis plus de creance & d'intelligence dans Chaalons, il promet au Roy qu'il fera des courses iusques en Lorraine ce qui resioit tellement le roy, que cela contrepoise vne partie des fascheries qu'il recoit d'infinis autres endroits, lesquelles encor qu'elles soient grandes & inestimables, si est-ce qu'il les dissimule le plus qu'il peut mais ce n'est si dextrement qu'on ne remarque aisement en son visage assez de martel & d'inquietude & possible beaucoup d'estonnément, & de peur qu'il a de se veoir si mal traicté en tant de villes de son royaume, & crains, pour le recognoistre ingenuëment qu'il se courbera, & possible qu'en fin il succôbera sous le fais de tant d'affaires & de tristesses qu'iceux trainent infailliblement apres soy.

Et vous diray neantmoins qu'a voir noz actions & deportemens, l'on ne nous iugeroit pas seulement affairé, ou bien l'on nous estimerait quant & quant purement insensibles: car nous ne nous esmouuons quasi non plus, que si le roy estoit encor paisiblement iouissant de son royaume, & que ses ennemis & subiects ne fussent aucunement rebellez contre luy.

Quand on dit au roy que les Parisiens sont tres resolu à ceste guerre, Qu'ils y veulēt exposer tout leurs moyens, & le sang d'eux & de leurs enfans. Qu'ils sont bien à craindre, si ce n'est pour leur valeur; à tout le moins tant par ce qu'ils tiennent le principal mēf de la guerre par deuers eux, qui est l'argēt, qu'aussi de Paris dépend la resolution generale de toute la France: Il se mocque de tout celà, & dit qu'il cognoist les Parisiens mieux qu'homme de son royaume. Qu'il s'assure, puis que leur roy Guisard est mort, que par con-

sequēt leur courage est amorty: & qu'ē tous cas qu'ils n'ont qu'une boutade sur leur pauē. Et pour l'esgard de l'argent, qu'ils sont trop mal-aïsez au desgel, Que tel qui fait parade de donner mil escus, ne donnera pas mil sols quand se viendra au fait & au prendre. Bref que sur son honneur, il respond que deuant qui les ait laissé en trempe deux ou trois moys, qu'ils seront contrains de venir à luy crier misericorde: & lors qu'il en scaura bien tirer sa raison, par vne punition si cruelle & exemplaire qu'ils seruiron de frayeur à tous leurs adherents & confederer.

XXVIII.

Quand on luy parle de M. du Maine, il dit qu'il sera bien empesché de se maintenir en son gouuernement, & qu'il se gardera bien de leuer la teste plus haut, Mais ie croy qu'il n'en dit pas tout ce qu'il en pense.

XXIX.

Que pleust à Dieu que nous fussions à commencer nos jeux: Las! nous pensions qu'ils se conuertiroient en ioyeuse Comedies, mais ie crains que la fin les nous fera appeller Tragedies bien sanglantes.

XXX.

Quant à moy ie n'en euz oncques bonne esperance, & encores maintenant moins que iamais: Car ie ne void point de moyen par lequel le Roy puisse reconquerir en toute sa vie, seulement le dixième de ce qu'il a perdu en vn moment de temps.

XXXI.

Que si aucuns de ses predecesseurs avec grandes finances, bonne quantité d'hommes, & l'assurance du cœur d'iceux (qui est vn rempart inexpugnable) ont esté bien employez & empechez au recouurement d'une seule villette estragée de leur obeïssance, Quelle esperance peut-il auïourd'huy auoir de recouurer

vn̄e centaines de villes fortes & aguerries qui se sont declarees contre luy? Car (& ie le confesse à grand regret) il n'a ny fonds ny argent, ny esperance d'en auoir. Il n'auoit pas trois cens hommes aupres de luy quand les huiēt cens harquebusiers luy arriuerent qu'Espernon luy enuoya. Il n'a intelligence quelconque en son Royaume: au contraite vous voyez que tous ses subiects & toutes ses villes, s'vnissent pour se bander contre luy. De credence ie croy qu'il en aura d'orelnauant fort peu parmy les estrangers: encor qu'il nous en promette grād secours. Mais pour moy, ie vous assure que ce secours là est aussi loing de mon esperance, qu'il est proche de mon desir. Premièrement l'Italien ny viendra pas, l'Espagnol encore moins, l'Allemand se souuiendra du traitement qu'il y a receu, des promesses inaccomplies qu'on luy a faictes, des paiements qu'on luy doit. Et sans tout cela: encor ne marchera il qu'en vertu, de ce dont nous auons faict, ou plustost penurie tres-extresme.

xxxii.

Ce sont les raisons & particularitez qui me font quasi desesperer, que le Roy se puisse iamais for tir du Labyrinthe, où il s'est precipité & nous apres luy.

xxxiii.

Mais ie crains de vous ennuyer de ce discours, auquel certes ie me suis d'auantage engagé que ie n'auois enuie du commencement. Je vous diray toutesfois encor vn mot des Estats lesquels sont conclus & arrestez: Car des Lundy dernier xvi. de ce mois, Monsieur l'Archeuesque de Bourges, & monsieur de Brisfac firent leurs Harangues, tant pour le Clergé que pour la Noblesse. Je ne scay pas le nom de celuy qui fut esleu & subrogé au lieu du Preuost de Paris pour le tiers Estat. Quant aux deputez ils sont maintenant

quasi tous partis de ceste ville : vray est qu'en la conclusion de dits Estats; il n'y en auoit pas la moitié de tous ceux qui y estoient auparauant la mort de Monsieur de Guise: Car elle apporta vn tel estonnement, que de cent & dix deputez qui estoient icy pour la Noblesse deuant Noel, apres la feste il ne s'y en trouua plus que trentedeux : lesquels encor pour la pluspart n'auoient peu eschapper. Voila ce qui se peut dire pour le present de nos affaires, Je vous supplie encor vne autre fois bien humblement d'vser de reciproque enuers moy, & excuser la liberté de mon stil. A laquelle ie me suis laissé aller vn peu plus hardimēt, pour l'assurance que nous auons pardeçà que les Parisiens ne font aucune difficulté ny refus de l'entree de leur ville : & qu'ils se rendent seulement difficiles pour la sortie. (Je trouue toutefois ceste pratique fort nouuelle pour se bien assurer d'une ville.) Aussi que ie me fais bien fort que le porteur de la presente est tant aduisé, qui se prendra bien garde d'eux: Car sans cela i'eusse esté possible aussi retenu à tout ce que ie vous ay recité que i'y ay esté libre & facile.

xxxiiii.

Ainsi que l'acheuois hier ce propos, & que ie voulois fermer la presente, les neuuelles arriuerent en ceste ville que les Parisiens (à l'imitation de ceux de Dijon) auoient constituez prisonniers en la Bastille tous les Presidents & Conseillers de la Cour de Parlement (fort peu exceptez) aucuns & plus probablement dient qu'il n'y a eu d'emprisonnez que ceux qui leur estoient suspects. mais soit l'un ou l'autre vray, il me semble qu'ils n'ont pas seulement imité ceux de Dijon: mais qu'ils ont largement commenté leurs œutires. Or on dit que les raisons desdites captures sont en premier lieu, par ce que la Cour de Parlement n'a-

uoit voulu faire ny parfaire le proces à Dubelloy, s'ex-
cusant qu'elle auoit les mains liees: Aquoy, dit-on, les
Parisiens respondirent qu'elle les auoit donques eu
trop libres & legeres a condamner le Breton. L'autre
raison par ce que les emprisonnez auoient esté trop
lents, voire & retifs à s'vnir avec eux, & à authoriser
les leuees d'hômes & de deniers qu'ils font. Ou pos-
sible à cause de leurs vies & deportemens precedens.
Aucuns disent encor, pour n'auoir voulu verifia la
declaration de la Sorbonne. xxxv.

Quoy que s'en soit, le Roy fust fort estonné, receuât
la nouuelle, disant que cela se tourneroit en conse-
quence pour ses autres villes, & qu'il s'esbaissoit que
ses Officiers de Paris ayent esté si peu forts & enten-
dus. Puis ayant quelque peu ruminé cela, il se tourna
ver monsieur Do, & luy dist ces mots, quasi en le me-
nassant, *Ce sont voſ jeux Do, vous voyez maintenant que
vous me perdez.* xxxvi.

Auiourd'huy le Roy a esté toute la matinee au con-
seil sur ce fait là: & tiens de bonne part qu'il en est si
effrayé, avec le peu d'asseurance qu'il auoit desia, qu'il
a mis en deliberation s'il deuoit eslargir les prison-
niers qu'il tient: tant pour la deliurance de tous ses of-
ciers, que pour arrester le cours des choses qui se bras-
sent contre luy & son Estat. Je vous supplie satistai-
fant à ma priere, par mesme moyen me mander la ve-
rité de ce dernier chef par plus prompte voye, s'il vous
plaist, que de ce porteur: car il seiournera quelque
temps à Paris, où il est enuoyé pour apprendre la lan-
gue, & s'il peut quelque credence. Icy donques, apres
vous auoir bien humblement baisé les mains, le prie-
ray le Seigneur vous prodiguer,

*Monsieur ses saintes graces & me tenir aux vostres. De
Bloys ce dixneuuesme Ianuier, 1589.
Vostre seruiteur & tres-assuré amy D. G.*

